

*Nomina
vetera,
& anti-
quitas.*

milia à Sinis cognitus creditur. nam tum primum in libris Sinicis de illo fit mentio sub Min nomine, non tamen Imperatori suberat, sed Min dynastis: primus qui eum subegit fuit Cinæ familiæ auctor, at quam mox jugum excusserunt incolæ, donec Hiaouús bellicosissimus ac felicissimus Hanæ familiæ Imperator, omnino eum cum omnibus Australibus Provinciis in perpetuum Sinico subiecit Imperio, ibique regulum Vúchúng constituit, qui in hac urbem regiam fixit sedem: Cyn rex Cyngan, Suius Mincheu urbem vocavit, Tanga familia Kiencheu, mox Focheu, quod nomen deinceps tenuit Taiminga familia: præest urbs civitatibus octo, quarum 1 Focheu, 2 Cutien, 3 Mincing, 4 Changlo, 5 Lienkiang, 6 Loyuen, 7 Jungfo, 8 Focing.

Conficitur in hujus urbis territorio vis magna albißimi sacchari, eaque est urbs prima, in qua illud fit, ex orientalibus provinciis: ex quo, meo quidem judicio liquidò patet, hanc urbem esse Veneti Fugui; tametsi non habeat fluvium illum ingentem, qui mediam secet, habet tamen eum, qui ad mœnia usque pertingit, intraque ipsam urbem censeari potuit, quia amplum in ipsa ripa obtinet suburbium.

*Fructus
Lichi.*

Maxima etiam est in australibus hujus Provinciæ partibus, & præcipue in hujus urbis territorio, copia fructus illius quem Lichi vocant, Lusitani Machaenses Lichias dicunt; nascitur in magnis procerisque arboribus, quarum folia lauri imitantur, è ramorum summitatibus racemi prodeunt, in his ut in úvis fructus est, sed rarior, ac longioribus pedunculis dependet: fructus figura omnino corculum refert, magnitudine nucem æquat juglandem, parvum strobulum seu nucem pineam repræsentat, squammoso sed non adeo crasso cortice, nam ad membranae tantum crassitiem accedit, adeoque vel sola manu facile detrahitur: intus succulentus est nucleus albi coloris, saporis ac odoris rosacei suavissimi, cum maturus est fructus purpurei est coloris, videnturque ipsæ arbores purpureis circumquaque quasi cordibus ornatae, amoenissimo adspectu astantium oculis arridere; os seu calculum caro intus ambit, ac circumdat, qui quo mole minor est, eo censetur fructus melior ac præstantior: recte hunc fructum regem fructuum dici posse, sæpe ego mecum cogitavi, qui quasi esui ac spectantium voluptati natus tantum esset, ita delectat, ut nunquam satiet, ejus nucleus ad instar tragema-

tis cujusdam rosacei congelati, ut vulgo vocant, mihi quidem sæpe visus est, atque ita in ore fere liquefcit.

Alter etiam fructus quidam rotundus est, *Alter fructus Lungyen.* cortice superiori haud abfimilis, Lungyen, hoc est draconis oculum vocant; superiori mole non æqualis est, paulo minor ac rotundior, ut cerasa fere nostra majora, pelle tamen aliquantulum Lichi duriori, magisque squammosa constat. Vtrumque etiam Sinæ exsiccant, & ex hac Provincia per totum imperium ad delicias etiam siccus distrahitur, nullo tamen modo cum recentibus comparari potest, cum suavissimus ille succus totus fere exhalarit; ex Lichia etiam exprimitur liquor, quem vinum Sinenfes vocant, suave satis, sed rarius.

Est & fructus in hoc territorio, quem *Fructus Muiginli.* Sinæ Muiginli vocant, hoc est pulchræ mulieris pruna, eaque magna sunt ac præclara, quæ Damascena illa magnitudine ac præstantia superant, figura rotunda magis sunt quam elliptica aut ovali.

In hac eadem urbe Societas Jesu sedem seu residentiam, ædem sacram, magnumque habet Christianorum numerum, ne vero in hac descriptione ubique templa nostra adnotare cogar, ut compendio studeam, nomen Jesu urbibus ac locis, ubi templum nostra sunt, adscribi curavi, quæ facile hoc modo sese offerent oculis lectoris curiosi aut spectatoris.

Ad Australem urbis partem collis est *Montes.* Keutai, ad quem desinit pons ille, de quo supra locutus sum, in eoque est idolorum sanum plane magnificum, Nantai nomine.

Siue Fung mons altissimus atque ingens ad urbis Borealem partem incipit, inde civitatum Cutien, Mincing, Loyuen regionem ingreditur.

Fang mons ad Austrum urbis est, in quo vallis est quadraginta stadiorum, circumquaque in collibus aurea, ac citrea, eaque quæ limonia vocant, poma profert.

Prope Cutien civitatem mons est Uhoa seu quinque florum, ita dictus à quinque altissimis, æqualibusque verticibus, quorum quemlibet mille perticas altum scribunt.

Circa Jungfu mons celebris ac altissimus est Caocai, in Taoxu libris ordine septimus, sylvis annosis amœnus, famosusque idolorum monasteriis.

Min flumen ad urbis Notapeliotem *Flumina.* nat, ejus origo est in confinibus Chekiang Provinciæ, prope civitatem Lungciuen, inde Puching præterfluit, mox Kiennung urbem,